

分庄文记

一、义门分析奏议

宋仁宗庆历四年（1044）义居三千七百余口 是岁应试者四十有三人 职署在朝者 琛 逊而下十有八员 当要路而为刺史 司马 参军县令者 珪 俦而下 二十九员 家长以食指太多 义居地窄 诸庄粮供应太远 拨遣一千四百口 往黄州属县庄舍就食 因嘉祐三年 众思时节归侍遥远 聚会失期 似亏义气 告乞归宗 乃创小屋五百间于祖居东冲（今磨溪乡五星村）以处之 今黄州庄有回归院是也 嘉祐七年聚族有三千九百余口 钦奉仁宗皇帝圣旨『矜恤义门太盛 思保全之』 七月初三日 勅江南西路转运使谢景初 郡牧吕海 户曹吏刘猷 本邑令穆恂 湖口镇巡检范彬 会计使王大远 众官 临门劝令分析 明年三月议始定 以知守延继等 派行二百九十一拈阄 自余支以降大宗 星分基业 遍布於各府州县之庄 而居焉 本官先期奏为析烟等情云 敦厚风俗性情也 荣厚丰富人情也 非性情无以统人情 非丰富无以序敦厚 臣敢冒天恩 乞赠义门陈氏爵职 然后令其分析 诏下 乃封

冕为知成郎 暹为守成郎 晟为宗成郎 景为希成郎
昱为公成郎 显为汝成郎 鼎为才成郎 昊为思成郎
昇为彦成郎 昺为承成郎 曷为延成郎 昂为继成郎

俾义门迁居 名播万世 化家邦 光后裔 礼备乐和 无远近亲疏之分
而孝悌忠信之道 绵绵不绝 无忝先人 斯可矣 其大略以为便览 而支派繁
衍 其载谱牒 昭如日星也

宋嘉祐八年(1063)太岁癸卯春三月 陈文龙刻石为记

二、义门分庄记

宋仁宗嘉祐七年 文彦博 范师道 吕海等上疏 论陈泰家朝野太盛
宜令分析 以保全之 七月 敕江南西路转运使谢景初 郡牧吕海 邑令穆恂
户曹刘猷 湖口镇官范彬 会计使王太远等奉旨临门监护分析 至明年三月
议始定 将知 延 守 继等字分派 大小共二百九十一庄 依派拈阄 分迁于
各路州镇 所有田宅计 江南一百一十处 楚地接壤九十一处 两直川浙

广福 因官立产计九十处 外奉旨市买四十三处不在分内 家长具阄关云 吾家自伯宣公以来 至今一十五代同居 四百八十余年（确切数是三百三十二年） 萃族三千九百余口 屡被皇恩 恪守祖训 谁萌分析之心 今奉旨 命官监分 势不容己 此期 我家人自兹以往 庄虽析而心勿二 仍循孝义忠厚之训 往来无间 音问莫疏 长幼必识 尊卑必辨 自一庄以至众庄 惟以义相继 不以各处一方遂坠数百年之义风 则今日一义门 后日千百义门 又将自此始也

宋嘉祐七年（公元1062年）壬寅家长同具

三、分庄图引

宋仁宗庆历四年 同居一十余代 族凡三千七百余口 是岁应试者四十有三人 职署在朝者 琛逊而下十有八员 当要路而居刺史 司马 县令者 珪俦而下二十九员 是岁 家长以食指太多 义门地窄 诸庄粮供又远 拨遣一千四百口往黄州庄就食 嘉祐三年 众思时节归侍遥远 聚会失期以亏义气 告乞归宗 乃创小屋五百余间於东冲山以处之 至今黄州同居院是也

嘉祐七年 朝廷以陈氏太盛 敕令江南西路转运使谢景初等临门劝令
分析 散去各州县居住 第思骨肉异地 世远人涣 节序不会 吉凶不问 虽
在至亲 观面莫识 殊可深痛 自分之后 仍效前人之规 凜遵义方之训 往
来无间 间问莫识 以义相继 无堕数百年之家风 诗云 『戚戚兄弟』
又云 『有怀二人』 念旃毋忘

宋嘉祐七年(1062)壬寅八月

家长同具

四、义门分庄碑记

余家自叔明祖分封以来 几更其迁矣 然纪其年 自隋唐五季 以至圣
朝不越五百八十二秋 派衍二十二世 遐想我祖伯宣公寄迹庐阜 率子孙迁
于太平乡常乐里永清村 至伉 崇公等治家有道 教家有法 室无私财 厨无
异馔 内外一致 大小一心 而风声著闻于唐 大顺庚戌 赐『孝义齐天坊』
『立义门』 此从古未有 可谓特恩矣 昇元元年 复蒙恩诏 重敕义门 且蠲差
免役 货粟济族 赐爵光祖 桑蒙表 赐不遑枚举 自是世代绳继 千百宛同一

堂一日谁出分析之心 奚忍异爨异居 顿为胡越 今因文彦博 包拯 范师道 吕海上疏 谕旭钦奉皇上旨意 今江南该属官谢景初 郡牧官范彬 会计使 官王大远车马拥门 监护分析 岂容忤旨 但此一举 以『知守宗希公汝才 思彦承延继』等字别号 授爵分庄 阡派二百九十一人为公列三百零四庄 更有庄外分庄 不暇繁计 及较诸江州八姓旧家 岂不差盛忧者 骨肉异地 世远人涣 近庄在江南诸路 或可穷日即至 远庄诸州郡 辄言千里 窃恐音 示不通 节序难至 吉凶不闻 年复一年 世复一世 而一脉毛裹卒至见面不 相识 回忆当日同爨之景象 岂不抱愧大可差耳

兹于广堂萃荟兄弟子姓辈 受远庄者倡 首订族中之派行 亲疏源委纪 实付之梓人 立石刻铭树于广堂之东 加之以亭 俾后之远近各庄子孙往还 于此者 览碑迹而诵之 千百世下了然在心目间矣 祖宗幸甚 是为记

大宋仁宗嘉祐七年岁次壬寅

陈泰撰于广堂之中

五、义门分庄遗嘱

大宋仁宗嘉祐八年三月 分关阨终家政 同具由我祖伯宣公遗流至今日 五百八十余秋 历朝旌表屡世蠲役沐此恩波 更承祖教将百世如一日 谁起分析之心

今奉敕令江州众官临门监析 势不容己 所分田宅计江南一百一十余处 楚地接壤九十一处 其余详载分迁图说 估算行出外东西南北共计二百九十一处 二支守祖居以奉先祀 大共总记三百余处也 外奉旨私置四十三庄分列在外 今自奉旨分别之后 祖宗之德永垂 孝义之风常在 先人星聚一堂有庆 子孙星散百世难忘

祖宗之产虽析 子孙之心莫二 仍效前人之规 恪守义方之训 往来莫间 音信莫疏 长幼必识 尊卑必辨 自一至众 总以义相继 不以一分无坠 数百年之义风 则今日一义门 后日千百万义门 以自此始也 是为嘱

宋中正大夫

延福敬撰

六、分庄遗训

呜呼 惜哉 有负三朝勅命旌表门闾 蒙圣朝大振淳风 光扬孝悌 臣家虽贫苦 不忍分析 钦奉仁宗皇帝矜存义门太盛 特颁勅命江南西路该府州县临门监护分析 遍佈各省州府县庄所居焉 今奉旨析居之后 务要仿前人 守义族 敦行孝悌 建立祠堂 春秋二祭 依期无失祀事 仰各庄家长率领一家眷口 沐浴斋戒 洁备牲仪 依时祭祀 上承祖宗 下佑曾玄 倘有违者 轻重申禀量罚 以家法施行 各庄嗣孙 毋忘家规义范之训 永宜遵守可也

溯当日我祖崇公立家法 训子孙 上和下睦 义风挺然 未几声闻于朝廷 于是僖宗朝曾行旌表 后被草寇劫掠家财 诰勅均为焚失 嗣至南唐丁酉年（公元九三七年） 复拜受勅赐旌门闾 特立义门 仰县差人于门首竖立大石柱二条 长二丈有余 左镌义字 右镌门字 仍除正苗正税 外放免诸杂科徭 并给盐面绢米等项 家长袞 授江州司马参军 昉为家

长又授文林郎 共十三世 计二百餘年 男女三千九百餘口

惟喜逢于清世 何敢望于皇恩 伏惟崇文广武 仪天尊道 感应圣时
仁孝皇帝陛下 德迈羲唐 功高舜禹 爰自理行睢上 庆洽寰中 含灵尽荷
珠休 品物悉沾滂泽 臣家传敦睦 齿近期颐 特颁庠序之资 俾与衣冠之
列 毕门圭窦 惊紫诰以俄临 雪鬓霜髭 映绿袍而荐耀 此盖陛下曲旌小
善 以化大同 臣敢不益励云初 弥敦礼义 上副无私之教 庶酬不世之恩
臣伏恨老耄 不获奔走蹈舞阙廷 无任瞻天仰圣激切屏营之至 谨奉表称
谢以闻 臣泰诚惶诚恐 稽首顿首 谨言

宋嘉祐八年泰于广堂

七、宋诏分各庄记实

大宋嘉祐七年七月钦奉 仁宗皇帝以义门聚族太盛 恩保存之是岁七月三日勅江南西路转运使司 谢景初 郡牧吕海 曹史刘猷 邑宰穆恂 湖口镇巡检范彬 众官临门勤令分析 本官先期奏为分析事情云敦厚仁风性情也 荣盛丰盈人情也 非性情无以统入 情非丰盈无以叙敦厚 臣敢冒干天恩 乞恩预赠封赐义门陈氏兄弟爵职 然后令其分析庶使 义门迁处名播万载 式化家邦后裔礼备乐和无远近亲疏之分 循孝弟忠信之道 绵绵瓜瓞继绍箕裘 登兰任辅皇图功施社稷无忝先人斯可矣 奏允次年三月遵依 太宗钦赐字号以公汝 才思 知守 宗希 彦承延继等字 又按先大成仁迁琉悦昇通等字 编定二百九十一人 准将潭州 郑州 黄州 武昌 汉阳 安庆 庐州 松江 光州 洪州 舒州等府州县产业均作二百九十一分 拈阄居管此小宗也 又将相近昆连之地德化 瑞昌 星子三县主

田均作二十七分 与延牧 延赏 延寿 延礼 延昌 延慎 延麟等二十七
人居之 又将德安 建昌等县主田均作二十分与知監 知为 知欲 知敏
延戒 延霸 延生 继元 继谋 继项 继顷 继荣 继传 继潞 继郁 继偕
继订 继诗 继忠二十人居之 此大宗也不在二百九十一人之内 自后大
宗小宗星分基业遍布诸省府州县莊 所务要常效义族敦行孝弟 建立祠
堂春秋依期祭祀 高曾祖祢祈保家门眷序昌荣 嗣孙繁衍以承前代光显
宗祊倘有远者 许家长轻则量情 重则申稟各处该管地方官施行以警将
来各莊子子孙孙务依祖上家法条范谨守其训 规矩准绳慈爱恭敬各宜遵
奉慎之